

М.Х. ДУЛАТИ АТЫНДАҒЫ ТАРАЗ Өңірлік Университеті

Аналар кеңесі

№ 1 ХАТТАМА

«9» 09 2021ж.

Төрайым: Жантаева А.М

Хатшы: Айнабекова И.Т

Қатысқандар: Аналар кеңесінің төрайымы Жантаева А.М., Аналар кеңесінің мүшелері**КҮН ТӘРТІБІНДЕ:**

Аналар кеңесінің жылдық жоспарын талқылау және бекіту.

Сөз Алған – Аналар кеңесі қызметінің негізгі өзегі азаматтық борышты, жоғары руханилықты және Қазақстан халқының мәдени дәстүрлеріне адалдықты бейнелейтін "Мәңгілік Ел" жалпыұлттық идеясын насихаттау және өсіру болып табылады. Осыған байланысты, қызметтің негізгі мақсаты мемлекеттің базалық негізі ретінде отбасын нығайту және отбасылық дәстүрлер мен құндылықтарды жаңғырту, отбасы мен неке саласындағы қазіргі келеңсіз үрдістердің алдын алу болып табылады. Аналар кеңесінің төрайымы Жантаева А өз пікірін айтып, шын мәнінде отбасының негізгі құндылықтарына баса назар аударып, еліміз үшін келелі мүмкіндіктердің жемісі болмақ екенін және өскелең ұрпақ үшін қажет дүние екендігін атап көрсетті. Бүгінгі таңда қоғамда отбасы және бала тәрбиесінде кейбір көпбалалы отбасылар үшін қоғамда кикілжін оқиғалар туындап отырғандығын тілге тиек етіп, осы мәселені әрі қарай қиындатпау үшін Аналар қауымы бірге жұмылып ұрпақтарымыздың бейбіт өмір сүруіне, ұлт болашағын тәрбиелеуде елеулі еңбек етуіміз қажет. Осыған орай Аналар кеңесінің жылдық жоспарында әр тоқсан сайын аналар кеңесінің бір отырысын өткізу және кеңес мүшелерінің – жұмыс бағыттарының кураторларының қатысуымен әр түрлі іс-шараларды ұйымдастыру және өткізу », -деп түйіндеді

Шешімі:

1. Аналар кеңесінің жылдық жоспарын бекітілсін.
2. АНАЛАР КЕҢЕСІНІҢ ЖЫЛДЫҚ ЖОСПАРЫН университет сайтына ұсынылып өткізілсін.

Төрайым _____ Жантаева А.М.

ХАТШЫ _____ АЙНАБЕКОВА И.Т.

М.Х. ДУЛАТИ АТЫНДАҒЫ ТАРАЗ Өңірлік Университеті

Аналар кеңесі

№ 2 ХАТТАМА

«4» 10 2021ж.

Төрайым: Жантаева А.М

Хатшы: Айнабекова И.Т

Қатысқандар: Аналар кеңесінің төрайымы Жантаева А.М., Аналар кеңесінің мүшелері


КҮН ТӨРТІБІНДЕ:

1. 1 қазан –Халықаралық қарттар күні қарсаңында М.Х.Дулати атындағы Тараз өңірлік университетінің Аналар кеңесінің мүшелері №2 Әлеуметтік қызмет көрсету орталығының тұрғындарын құттықтады.
2. «Қариясы бар үйдің қазынасы бар» тақырыбында алтын құрсақты ана Қалымбетова Саракүл әжеймен кездесу өткізілді .

Уақыт – ешкім тоқтата алмайтын алып кеме. Сол кемеңіздің жүрісімен өмір толқындарымен араласа, арпалыса, балғын балалық шағыңа қол бұлғап, адамзат өмірінің мағыналық шағына келіп жеткен жандар бар. Олар – біздің бүгінгі нұрлы өміріміздің, алаңсыз күлкі, тәтті ұйқымыздың да бейбіт сақшысы бола білген, самайларын қырау шалып, жүздерін уақыт әжімі торлаған данагөй қарияларымыз бен ақ жаулықты әжелеріміз емес пе? «Ауылыңның маңында төбе болса, ерттеулі тұрған атпен тең. Ауылыңда ақылгөй қария болса жазып қойған хатпен тең». Иә, өткенімізді қарияларсыз елестету мүмкін емес... Қазіргі кезде біздің мемлекетімізде **қарттарға** үлкен мән беріп, көңіл аударып, жан- жақты үкімет тарапынан қамқорлық жасалуда. Қазақстанның өсіп- өркендеуіне, еліміздің бейбітшілік тыныш өмір кешуіне өз үлестерін қосқан осы ардақты да аяулы **қарттарымыздың** арқасы деп есептейміз. Міне, енді **қарттар** күні саналы ғұмырларын Отан деп, тынымсыз еңбектерімен мемлекетіміздің негізін салуға жол ашқан алдыңғы буын аға- апаларымыздың төл мерекесі. Олардың өмір жолдары бүгінгі ұрпаққа табылмас қазына. «Қарты бар үйдің қазынасы бар» демекші бейнет жасынан өтіп зейнетке жеткен, көненің көзін көрген, парасатты да дана қарттарымызға қамқорлық көрсету өскелең жас ұрпақтың міндеті. Қарттарымызды қуанту сауапты істердің бірегейі іспестес.

Шешімі:

1. Осындай іс шаралардың жиі өткізіліп тұруы қарастырылсын.
2. Жас ұрпаққа қоғам алдындағы патриоттық борышын отбасының маңыздылығын ұғындырған бұл кездесуді университет сайтына ұсынылып өткізілсін.



Төрайым _____ Жантаева А.М
Хатшы _____ АЙНАБЕКОВА И.Т.

М.Х. ДУЛАТИ АТЫНДАҒЫ ТАРАЗ Өңірлік Университеті

Аналар кеңесі

№ 3 ХАТТАМА

«14» 10 2021ж.

Төрайым: Жантаева А.М

Хатшы: Айнабекова И.Т

«Отбасы –бақыт мекені» атты Республикалық апталық аясындағы «Бақытты шаңырақ –бақытты ел» тақырыбында Аналар кеңесінің мүшелерімен онлайн кездесу өткізілді.

Қатысқандар: Аналар кеңесінің төрайымы Жантаева А.М., Аналар кеңесінің мүшелері

КҮН ТӘРТІБІНДЕ

Сөз Алған - Барлық өнеге отбасынан басталады. Әр адамның өмірінде отбасы, оның өзіндік санасының қалыптасуының алғашқы баспалдағы болып табылады. Отбасында баланың қарым-қатынас жасауындағы біліктілігі мен дағдысы жетіліп, оның адамгершілік бейнесі мен кәсіби өзінің орнын өзі табу қабілеті қалыптасады. Отбасы ұлттың, елдің, әлемнің, адамзаттың негізі және сондықтан да отбасында дұрыс қарым-қатынас орната білу қажет. Отбасы – адам үшін ең жақын әлеуметтік орта. Отбасы белгілі дәстүрлердің, жағымды өнегелердің, мұралар мен салт-дәстүрлердің сақтаушысы. Отбасы қоғамның негізгі бөлігі, ұрпақтар тарихи сабақтастығының, мәдениеттің, рухани құндылықтардың қазынасы болып саналады. Кездесу барысында Аналар кеңесінің мүшесі Жанпейсова Айжан Отбасы деңгейіндегі мәселе шешілсе, онда барлық мәселе шешіледі. Өйткені, Отан – отбасынан басталады. Қазіргі қоғамда сол отбасының іргесі сөгіліп, кеше ғана сүйіп қосылған жастардың жұбынан ажырап кетіп жатқан жағдайы жиілегені өкінетеді. Оған бірден-бір себеп – ақпараттық ағын, әлеуметтік желінің кейбір кері әсерлі «кеңестері». Жастардың әлеуметтік желідегі сондай жосықсыз әдеттерге елітіп, отбасының шырқын бұзып алып жатқаны ойлантатын мәселе. Елбасының «Болашаққа бағдар: Рухани жаңғыру» мақаласында айтылғандай, кез келген ұлт өзінің ұлттық кодынан ажырамаса, онда ол ел адаспайды. Ұлттық код деген – тарих. Біздің кезімізде тарих дұрыс оқытылмады. Біз өз ұлтымыздың тарихынан, тамырынан ажырап қалдық. Ал қазір тарихтан тәмсіл алуға да, ұлттық құндылықтарымыздың тамырынан нәр алуға да барлық игілік бар. Ата-бабаларымыз бізге көлемі жағынан әлемде 9-орын алатын кең байтақ жер қалдырды. Ұлттық болмысымыз бен қазақи қалпымызды ерекшелейтін дәріпті дәстүр-салт, қастерлі құндылықтар қалдырды. Соның бірі, мәселен, тағлымды тарихымызда ежелер келінін бауырына тартып, қамқорлық танытып, оған ұрпағын өрбітетін адам ретінде оң көзқараспен қараған. Ал қазіргі кейбір ежелер келіндеріне тәрбие берудің орнына, тырнақ астынан кір іздеп, үйден қуып шыққанша асығады. Келінді шаңырақтың шегесі қылып бекіту – есті ененің еншісінде. Отбасы беріктігі,

ұрпақ тазалығы жолында ер азаматтарға жүктелер жүк те жеңіл емес. Ата-бабамыз қызға «қонақ» деп төрден орын беріп, парасаттылыққа баулып өсірген. Қазекем өрісін кеңейтер қыз баланың тәрбиесін басты назарға алып, сыпайы, ізетті де ісмер, қылықты болуын қадағалап отырған. Еркін ұстаған, бірақ тым еркелетпеген. Қызға «жат жұрттық» қонақ ретінде жас күнінен отбасының бірлігін сақтаушы, қара қазанның иесі, үйдің ұйытқысы ретінде тағылымды тәрбие берген. «Қызым үйде – қылығы түзде» демекші, оның жүріс-тұрысы мен киім киісі – тәрбиенің негізі болған. Атам қазақ қызды өрісім деп құрметтесе, ұлды шаңырағымның ұстыны деп оның тәрбиесіне ерекше мән берген. Жігіт үйдің ғана қорғаны емес, елдің де қорғаны. Сондай адал, нағыз ерді табу әрбір бойжеткеннің арманы. Жігіттер сүйген қызының сезімін аялап, сол арумен отау құрып, ақ некені таза ұстаса, таза ұрпақ өрбиді. Сондықтан: Еркек үйдің- егесі, әйел - оның шегесі, мықты болса егесі, майыспайды шегесі -деп айтқан болар едім. Ал қыздарға айтарым, жалғыздық құдайға ғана жарасқан. Қыз баланың бақыты – басына жабылған ақ жаулығы, келін боп аттаған табалдырығы. Табалдырықтан асқан тау жоқ. Өкінішке қарай, қазір кейбір келіндер енесінің қатаң тәрбиесі мен тәртібіне төзе алмай, сол таудай табалдырықтан кері аттап кетіп жатыр. Сондай келіндерге айтарым, үндемеген үйдей пәледен құтылады. Енесі бір сөз айтса екі сөз қайтаратын келін отбасының берекесін кіргізбейді. Ата-енеңе қалай қызмет қылсаң, уақыты келгенде келінің соның бәрін айна-қатесіз алдына әкеледі. Ерінді бағаласаң, оның ата-анасын де құрметтей біл! Еркектің бағын құдай артық қылып жаратқан. Деген үлкен ой толғаулармен бөлістік.

Кездесуде отбасылық құндылықтардан бөлек тіл мәселесі мен тарих және ұлттың болашағы да тереңінен талқыланды. Өнегелі отбасы арақсында мемлекет те өркендейді, халықтың әл-ауқаты жақсарады. Отбасында тәрбие алып жатқан әр бала өз бойындағы мінезі мен қасиеттерін, ұлттық рухани құндылықтарға деген сүйіспеншілікті ең алдымен отбасында, ата-ананың тәрбиесімен сіңіретіні анық. Сондықтан да баланың тәрбиелі жан - жақты болып өсуіне берекелі, өнегелі, ынтымақты отбасының ықпалы өте маңызды.

Шешімі:

1. Университетімізде осындай іс шаралардың жиі өткізіліп тұруы қарастырылсын.
2. Жас ұрпаққа отбасының маңыздылығын ұғындырған бұл онлайн кездесу **УНИВЕРСИТЕТ САЙЫТЫНА ҰСЫНЫЛЫП ӨТКІЗІЛСІН**

Төрайым _____ Жантаева А.М
ХАТШЫ _____ АЙНАБЕКОВА И.Т.

М.Х. ДУЛАТИ АТЫНДАҒЫ ТАРАЗ Өңірлік Университеті

Аналар кеңесі

№ 4 ХАТТАМА

«14» 10 2021ж.

Төрайым: Жантаева А.М

Хатшы: Айнабекова И.Т

«Достық дастарханы» атты жобасы аясында «Анаға тағзым» орталығында «Қазақтың ұлттық тағамдарының ерекшелігі мен құндылығын, қазақ халқының қонақжай дәстүрін құрметтеу, тағамдардың жасалу жолдарын кейінгі ұрпаққа үйрету» тақырыбында Аналар кеңесінің мүшелерімен «экономика» кафедрасының оқытушылары ас әзірлеу бойынша шеберлік сағатын өткізді.

Қатысқандар: Аналар кеңесінің төрайымы Жантаева А.М., Аналар кеңесінің мүшелері «экономика» кафедрасының оқытушылары

КҮН ТӘРТІБІНДЕ

Сөз Алған - Қай халықтың болмасын дастарқаны, сол халықтың тұрмыс салтына, әдет - ғұрпына, тіршілік тынысына орай қалыптасары белгілі. Ғасырлар бойы көшпелі тұрмыс кешкендіктен болар қазақ халқының тағамдары өзге жұрттан өзгешелеу. Оның негізгісі: ет, сүт, қымыз, сары май, құрт, ірімшік секілді өңкей малдан алынатын өнім түрлері. Қазақ халқы қонақжай, бар тәуірін қонаққа деп сақтаған. Екі - үш қонақ көрпесі, екі - үш қойы тұрмаған шаңырақты қазақ тақыр кедей санаған. Ал бар бола тұра қонаққа қадір құрмет көрсетпеген кісіні «Шық бермес Шығайбай» атандырған. Иә қонақжайлылық, мейманды қабылдау, қонақасының жай - жапсарын жетік білу ата - бабамыздан қалған аса қастерлі салтымыз, дәстүріміз. Кездесуде отбасылық құндылықтардан бөлек тіл мәселесі мен тарих және ұлттың болашағы да тереңінен талқыланды. Өнегелі отбасы арақсында мемлекет те өркендейді, халықтың әл-ауқаты жақсарады. Отбасында тәрбие алып жатқан әр бала өз бойындағы мінезі мен қасиеттерін, ұлттық рухани құндылықтарға деген сүйіспеншілікті ең алдымен отбасында, ата-ананың тәрбиесімен сіңіретіні анық. Сондықтан да баланың тәрбиелі жан - жақты болып өсуіне берекелі, өнегелі, ынтымақты отбасының ықпалы өте маңызды.

Анаға тағзым орталығының «Береке» аспаздық студиясында қазақтың ұлттық тағамы «Ас атасы –нан» дегендей қара бауырсағымен қатар бір уақытта ет пісірудің тәсілін, «Ұйғыр мантисы» дайындалу тәсілдерімен таныстырылды, бұл орталықта тек ас әзірлеп қана қоймай, шеберлік сағаты барысында үлгілі келін болу, қыз тәрбиесі, ана мен қыз арасындағы қарым –қатынас туралы ұстаз ретінде ой-пікірлері мен тәжірибелерімен келген тұжырымдарын ортаға салды.

Шешімі:

1. Университетімізде осындай іс шаралардың жиі өткізіліп тұруы қарастырылсын.



Төрайым

ХАТШЫ

Жантаева А.М

АЙНАБЕКОВА И.Т.

Хаттама

Н 2-9.34-2021
1 баспа 05.01.2021

